



# Good Practice Awards Gwobrau Arfer Da 2023



## Canllawiau

### Pam Gwobrau Cyfranogiad?

Gwelwn y digwyddiad hwn fel "Oscars" y byd Cyfranogiad, lle'r ydym yn dathlu ac yn cydnabod bod cyfranogiad yn newid gwasanaethau tai a chymunedau er gwell. Mae'r Gwobrau Arfer Da yn rhoi cyfle i ni gydnabod hyn a dathlu'r gwaith caled y mae landlordiaid a thenantiaid yn ei wneud. Dengys fod y gwaith yn fuddiol ac mae'n rhoi ysgogiad i ni roi cais ar syniadau arloesol sydd wir yn gweithio! Mae'r digwyddiad hefyd yn caniatáu i TPAS Cymru gyhoeddi a rhannu arferion da, y dysg a'r profiadau o Gymru benbaladr.

### Rhannu Arfer Da

Mae casglu'r enwebiadau, y beirniadu a'r digwyddiad ei hun yn ein galluogi i nodi a rhannu arfer da, dysgu a phrofiadau o bob cwr o Gymru. Byddwn yn cynhyrchu 2 adroddiad yn ymwneud â'r Gwobrau Blynyddol, yn gyntaf bydd adroddiad 'crynodeb' yn rhoi crynodeb o bob enwebiad a dderbyniwn. Yn dilyn y digwyddiad y Gwobrau, byddwn yn cynhyrchu adroddiad ychwanegol sy'n manylu mwy ar yr ymgeiswyr buddugol. Bydd y ddau adroddiad gwerthfawr yma ar gael ar ein gwefan, wedi'i rhannu ar ein llwyfannau cyfryngau cymdeithasol ac ar gael ar ffurf copi caled.

### Beth yw Categoriâu'r Gwobrau?

Eleni, mae gennym ystod wych o gategoriâu gan gynnwys rhai newydd sbon. Am fanylion llawn a'r meini prawf, gweler y canllawiau ar gyfer pob categori ar y ffurflenni enwebu unigol.

### Sut y beirniadir yr enwebiadau

Defnyddiwn ystod o feirniaid annibynnol o bob cwr o'r DU, pob un ohonynt yn arbenigwyr mewn materion sy'n ymwneud â thai / cymunedau. Diolchwn iddynt am roi eu hamser yn rhydd.

### Sut i wneud cais

Mae'r gystadleuaeth ar agor i grwpiau Tenantiaid a Phreswylwyr, Landlordiaid Cymdeithasol Cofrestredig, Awdurdodau Lleol a Darparwyr Tai â Chymorth **sydd yn aelodau o TPAS Cymru ar adeg cyflwyno'r enwebiad.**

Rydym yn cydnabod y gall gwneud enwebiad ar gyfer gwobr fod yn dasg heriol ac felly yn awgrymu i denantiaid ymofyn cymorth eu Landlord wrth gasglu'r wybodaeth hwn.

## Amodau ymgeisio

- **Rhaid derbyn ceisiadau erbyn canol dydd, 17 Mai 2023. Ni fydd ceisiadau hwyr yn cael eu hystyried.**
- Dim ond ceisiadau sy'n cynnwys y wybodaeth ofynnol ar y ffurflen enwebu ac yn y canllaw hwn fydd yn cael eu hystyried
- Bydd y beirniadu terfynol yn delio ag unrhyw wrthdaro o ddiddordeb neu i dorri'r ddadl. Mae penderfyniad y beirniaid yn derfynol.
- Bydd yr holl geisiadau yn cael eu barnu ar yr wybodaeth a ddarperir ar adeg ymgeisio a ni dderbynnir unrhyw ohebiaeth ddilynol tuag ato
- Trwy gystadlu yn y Gwobrau, rydych yn cytuno i unrhyw wybodaeth a/neu ddelweddau a roddwyd i'w cael eu defnyddio ar gyfer deunydd cyhoeddusrwydd
- Bydd yr enw y rhoddwch ar eich cais a'r enw y defnyddir gennych ar gyfer eich sefydliad yn penderfynu sut yr enwir eich cais yn yr holl ddeunydd hyrwyddo.



## Awgrymiadau ar gyfer ymgeisio

- Sicrhewch fod eich cais yn gryno a chyda ffocws pendant
- Eglurwch eich cais trwy esiamplau, tystebau ac adborth gan eraill
- Cyfeiriwch at y meini prawf ar gyfer pob gwobr o ran yr hyn y bydd y beirniaid yn ei ystyried a chwblhewch y ffurflen enwebu swyddogol o dan y penawdau penodol hyn.
- Cofiwch...bydd y beirniaid yn chwilio am y gwahaniaeth y mae unigolyn neu brosiect wedi ei wneud. Nid ydynt eisiau darllen am syniad da yn unig - maent eisiau gweld sut mae pethau wedi gweithio yn ymarferol. Pa effaith mae'r prosiect neu unigolyn wedi ei gael? Beth sydd wedi newid neu wella? **Y Deilliannau!**



**Yn ychwanegol, cofiwch y cewch ofyn cymorth gan staff TPAS Cymru: gallwn eich cyngori yn glân â'r meini prawf; llenwi'r ffurflen enwebu; a pa wybodaeth gefnogol y gallwch ei gynnwys. Fodd bynnag, ni allwn eich cynorthwyo'n unionavrchol wrth awblhau eich enwebiad.**

# Felly...Pa wybodaeth sydd ei angen?

Rydym fel arfer yn derbyn amryw o enwebiadau: felly i gynorthwyo'r beirniaid i wneud eu penderfyniad, a wnewch chi sicrhau fod y wybodaeth yn eich enwebiad mor eglur â phosib ac yn cynnwys y canlynol:



## 1. Ffurflen Enwebu wedi ei Chwblhau

Sicrhewch fod eich cais yn cael ei gyflwyno trwy lenwi'r ffurflen enwebu safonol ac o dan y penawdau a nodwyd . Y penawdau yw'r meini prawf y bydd y beirniaid yn eu defnyddio. Mae hwn mewn fformat 'Word' i'ch galluogi i deipio faint bynnag o destun yr ydych yn ei ddymuno. Ar gyfer pob enwebiad, byddwch angen sicrhau bod gwybodaeth glir a manwl yn cael ei ddarparu.

## 2. Gwybodaeth Enwebiad

Gellir cynnwys gwybodaeth dystiolaethol a all, er enghraifft, gynnwys unrhyw rai o'r canlynol:

- Dyfyniadau / sylwadau / adborth gan denantiaid / preswylwyr / cynrychiolwyr cymunedau
- Dyfyniadau / sylwadau gan sefydliadau eraill
- Tystiolaeth i ddangos fod y targedau/amcanion wedi eu cyflawni ayb
- Tystiolaeth o'r effaith y mae'r gweithgaredd/prosiect wedi ei gael ar y gymuned leol / gwasanaethau
- Esiamlau o gyhoeddiadau, DVD, newyddlenni, CD, Llawlyfrau ayb
- Tystiolaeth y bydd yr effaith yn parhau
- Ffotograffau



## 3. Llun

Mae angen o leiaf un llun/delwedd/logo ar gyfer y cyflwyniad a ddefnyddir yn y Seremoni Wobrwy.



**Noder: Mae gan TPAS Cymru'r hawl i roi ceisiadau mewn categori gwahanol os yr ystyrir fod y cais yn cyfarfod meini prawf un o'r gwobrau eraill yn fwy effeithiol.**

# Cwestiynnau Cyffredin



## A yw'n costio i gyflwyno cais?

Nid yw'n costio i gyflwyno cais i Wobrau Cyfranogiad TPAS Cymru. Fodd bynnag, mae'n rhaid i chi fod yn aelod o TPAS Cymru ar adeg cyflwyno'r enwebiad i gymryd rhan, ac mae'r seremoni wobrwyo ei hun yn ddigwyddiad tocyn ac mae yna gost i'w fynychu.

## A ellir cyflwyno cais trwy'r post?

Yn anffodus, na. Gan ein bod yn gweithio o adref y rhan fwyaf o'r amser, dim ond trwy e-bost y gallwn dderbyn enwebiadau. I osgoi cymhlethdodau wrth anfon enwebiad electronig, fe'ch cynghorir i gadw maint y ffeil mor fach â phosib h.y. cyfyngu nifer y lluniau/graffig neu eu cywasgu, creu ffeil zip, neu anfon trwy via *WeTransfer/Dropbox*.

## A ellir cyflwyno cais ar y cyd â sefydliad partneriaeth?

Gellir, fodd bynnag mae'n rhaid i'r partner arweiniol fod yn aelod o TPAS Cymru.

## A ellir ailgyflwyno cais sydd wedi cael ei ystyried yn y gorffennol?

Gellir, fodd bynnag dim ond os oes symudiad ymlaen neu newidiadau arwyddocaol yn y prosiect y dylid ailgyflwyno ceisiadau sydd wedi cael eu hystyried gan y beirniaid yn y gorffennol.

## A ellir rhoi rhagor o wybodaeth, yn ogystal â chwblhau ffurflen enwebu safonol, i gefnogi fy nghais?

Gellir, cewch gyflwyno gwybodaeth ychwanegol i gefnogi eich cais megis lluniau, gwybodaeth y wasg, dolenni gwefan. Noder: Dylech hefyd fod yn ymwybodol y gallem ddefnyddio'r wybodaeth neu luniau a gyflwynwyd fel rhan o'ch cais ar gyfer ein deunyddiau marchnata ni. Trwy gymryd rhan yn y gwobrau, rydych yn cytuno i hyn.

## A oes cyfyngiad i'r nifer o geisiadau y gallaf eu cyflwyno?

Na. Fe wnawn dderbyn mwy nag un cais o'r un sefydliad.

## Beth sy'n digwydd ar ôl i mi gyflwyno fy nghais?

Wedi derbyn eich enwebiad, byddwn yn cysylltu â chi trwy e-bost i gadarnhau ein bod wedi ei dderbyn. Mae'n hollbwysig eich bod yn cysylltu â ni o fewn 24 awr os and ydych wedi derbyn cadarnhad gennym. Ar ôl y broses o feirniadu, fe wnawn gyhoeddi rhestr fer o'r rownd derfynol ar gyfer pob un o'r categorïau ac fe'ch hysbysir os ydych wedi bod yn llwyddiannus.

Noddir y digwyddiad hwn gan:

